


僧伽斯所撰菩薩本緣經

卷一

四百三十一
觀一

50996



元祿九年丙子二月日重修

皇圖葉圖 帝潛須呂

佛日增輝 糖谷輪常轉

山城州天安寺法金剛院置



僧伽斯那所撰菩薩本緣經卷第一

觀

吳月支優婆塞支謙字恭明譯

毗羅摩品第一

若心陞劣者

雖多行布施

受者不清淨

故令果報少

若行惠施時

福田雖不淨

能生廣大心

果報無有量

我昔曾聞過去有王名地自在受性暴惡好

行征伐時有小國八万諸王首戴寶冠常來

朝侍其王口惡身行無善常為非法侵凌他

境王有輔相大婆羅門修清淨行智人所讚

口言柔軟不宣麁惡有所造作能速成辦面

目端嚴為世所敬四毗陀典靡不綜練諸婆

羅門所有經論通達解了無有遺餘是時輔
相年已衰邁遇病未久奄尔即世王及人民
聞其終歿心生懊惱思慕難忍時王思念不
去須臾即爲臣民而說偈言

如何此大地

一旦無人治

如海無主船

隨風而東西

我所尊敬者

出家已成就

口善言柔軟

常能利益世

如何便終歿

令我心惱悶

猶如無燈明

而入於闇室

尔時諸臣即白王言唯願大王寬意莫愁勿
謂國中更無有任爲輔相者是婆羅門雖復
命歿其子年幼聰明黠慧顏貌端正世無及
者發言柔軟悅可衆心修新忍辱心常寂靜

命歿其子年幼聰明黠慧顏貌端正世無及
者發言柔軟悅可衆心修新忍辱心常寂靜
無有憍慢貢高自大博學多聞無書不綜利
益衆生猶如梵王名毗羅摩唯願大王即命
此人以爲輔相時王荅言彼若有子如汝說
者我從昔來所未曾聞諸臣復言大王是婆
羅門子常求正法離於邪法愛護己法未能
爲人王即荅言子若是才人何得違毀先人
家法若離先業則不得名求正法者是人先
父常以正法佐吾治國能令吾等遠離衆惡
雖作如是治國理務終不破失婆羅門法如
其彼人如汝說者便可召來諸臣奉命即遣
使者召毗羅摩將詣王所到已就座殿容而
踞說如是言大王今日以何因緣而見願命

王即荅言汝不知耶我之薄祐汝父輔相不
幸薨殞大地傾喪人民擾動我爲之憂其心
迷悶時毗羅摩即白王言夫愛別離非王獨
有如此皆是有爲法相也大王昔來不曾聞
耶若天龍鬼神阿修羅乾闥婆迦樓羅緊那
羅摩睺羅伽沙門婆羅門若老若少悉無得
離是終歿者大王一切衆生決定有之大王
譬如火性悉能燒然一切之物無常之法亦
復如是悉能壞滅一切衆生王不知耶是老
病死能喪衆生如四衢道頭華果之樹常爲
多人之所抖擻大王譬如駛河常流不停衆
生壽命亦復如是大王如金翅鳥投龍宮中

△
搏撮諸龍而食噉之亦如師子在獐鹿群威
猛如我曾聞菩薩往昔已來因緣墮於龍中
受三毒身所謂氣毒見毒觸毒其身雜色如
七寶聚光明自照不假日月才貌長大氣如
排風其日照朗如雙日出常為無量諸龍所
遶自化其身而為人像與諸龍女共相娛樂
住毗陀山幽邃多諸林木華果茂盛甚可愛
樂有諸池水八味具足常在其中遊止受樂
經歷無量百千万歲時金翅鳥為飲食故乘
空束身飛來欲取當其來時諸山碎壞泉池
枯涸尔時諸龍及諸龍女見聞是事心大恐
怖所服瓔珞華香服飾尋悉解落裂在其地

諸龍夫人恐怖墮淚而作是言今此大怨已
來逼身其策金剛多所破壞當如之何龍便
荅曰卿依我後時諸婦女尋即相與來依龍
復念言今此婦女各生恐怖我若不能作擁
護者何用如是妹大之身我今此身爲諸龍
王若不能護何用生爲行正法者要捨身命
以擁護他是金翅鳥之王有大威德其力難
堪除我一身餘無能禦我今要當捨其身命
以救諸龍尔時龍王語金翅鳥汝金翅鳥小
復留神聽我所說汝於我所常生怨害然我
於汝都無惡心我以宿業受是大身稟得三
毒顧有是力未曾於他而生惡心我今自忖

審其氣力足能與汝共相抗禦亦能遠焰大火投乾草木五穀臨熟遇天惡雹一切衆生在三界中流迴死法亦復如是大王如是死法非以親近財貨求贖軟言誘恤而可得脫亦不可以四兵威力逼迫御之令其退散是故當知如是死法決定而有是衆生常法以是義故大王於此不應生憂時王聞已心生歡喜復向諸臣說如是言未曾有也如是童子年雖幼稚乃說先宿耆舊之言時王即語毗羅摩言汝不知耶汝之先父愛護於吾猶如赤子是故我今感其恩重憂愁迷悶吾今輕弱頑嚚無智如汝所說吾永無分汝今若

見垂顧矜哀願紹先嗣纂繼家業我當誠心
盡壽歸依時毗羅摩即作是念我今如何一
且對至今聞此言莫知所作猶如羸人步涉
高山復作是念今者承嗣毗輔國正於諸人
民雖多利益然我所修純善之法則爲虧損
君治國土稱萬姓心當有無量諸過患事所
謂刑罰劫奪他財威凌天下或擯或驅要當
隨王行如是法若行正法我善則損今我若
欲修行善法則不上稱大王聖懷若稱王法
善法日衰作是念時王復白言大師今者何
所思慮時毗羅摩即荅王言我今所念當以
何術令王身及國人民悉得利益無諸衰耗

亦復思惟王與國人福德過患若先行善後
行於惡則不名人大王若為實語而作怨憎
不為諂言而作親厚寧為說正法墮於地獄
不說邪諂生於天上大王我今思惟籌量是
事大王若有人能思惟是義當知是人則能
利益一切衆生王聞是語心生歡喜復作是
言大師我等若能如是行法所修善法則為
不損時毗羅摩即奉王命纂承先父輔相之
業然後漸漸勸化是王及八万四千小王修
持正法亦令其國所有人民背捨遠惡不貪
五欲時王修行無量善法如毗羅摩等無差
別也時毗羅摩見王如是心生歡喜而作是

言我今已爲修治國土然我善法無所衰損
復作是念我今當以何等因緣勸諸衆生悉
令安住阿耨多羅三藐三菩提道然諸衆生
受性不同或欲聞法或貪財貨或嗜五欲或
樂愛語或好憤鬧多人親附或好隨逐善人
之行或樂多愛心無厭足我今幸有大智方
便悉能攝取一切衆生安止住於阿耨多羅
三藐三菩提我亦復有餘方便譬如日出雖
能照了一切天下然不能爲盲者作明我亦
如是雖復能爲一切衆生說無上道然不能
爲無慧目者而作利益我今復當以衣服飲
食而給足之令其飽滿心歡喜已然後復當

為之說法令其信受時毗羅摩思是義已即
至王所作如是言我今已為無量衆生作法
事已聚集三法所謂修行正法聚集錢財所
願成就則令一切國土安樂無有怨讎正法
增長猶如初月好名流布八方上下唯願大
王聽我修行無上正法尔時大王聞是語已
心生驚喜喜衣毛為豎白言大師諸欲所作願
具告勅毗羅摩言我今欲作一切大施施中
所須願為我辦尔時大王即於城外安曠之
處莊嚴施場唯願大王善言誘喻諸作使者
無令於我而生瞋恨尔時大王及給使者皆
悉歡喜敬意供辦飲食所須尋於諸方擊鼓

宣令若諸衆生凡有所須衣服飲食卧具醫藥象馬車乘香華瓔珞末香塗香舍宅燈明悉來集此當相奉給復說偈言

我爲利益諸世間故隨諸衆生所須之物乃至身體手足肉血捨離之時猶如草芥汝等若受是供養時則當一心思惟善法受供養已不應貪著當以善法利益一切若以我力能速涅槃以爲衆生流轉生死是故久住不取涅槃無量衆生墮老死獄我欲拔之永離遠離

時毗羅摩菩薩摩訶薩所設供具令無量百千萬億衆生隨意所須悉得充足善言說法

諸大德我今忘身以憂汝身汝等今已受我
供養好自利益當觀正法若死至時雖有父
母妻子親族無量財寶不能令命住一念頃
及其命盡獨至他世父母妻子親族財寶無
隨去者唯有業行不相捨離復為大衆而說
偈言

為父母親族

修行於惡法

命終墮三趣

無有隨逐者

於今現在世

若受苦惱時

雖有父母兄

不能受少分

況於未來世

而當有代者

是故當一心

莫為他行惡

諸大德汝等今身安隱無患所謂衰老肺病
疾逆頭痛已無是病當勤修行一切善法是

毗羅摩菩薩摩訶薩以二攝法攝取衆生所謂財法滿九十日過夏已訖奉施嚫願所謂金盤具足八萬盛以銀粟八萬銀盤盛以金粟八萬小牛八萬乳牛悉從一犢是一一牛乳日一斛純以白氎纏覆其身金角銀蹄莊嚴映飾八萬童女形體端正金寶瓔珞以自莊嚴一一女人有一侍女供給使令令皆淨潔是諸女人各有一牀或金或銀瑠璃頗黎象牙香木種種茵蓐以敷其上牛車八萬象馬八萬及諸倉庫錢財珍寶不可稱計如是等物悉莊嚴已而作是念今是施物將無少耶今時菩薩爲諸婆羅門說如是言汝等當

或復以縱逸

久在於生死

輪轉無窮已

猶如輪轉地

我在久遠來

隨順敬事汝

雖作如是事

不能令汝喜

汝今當安住

不動寂靜中

我今所布施

悉爲諸衆生

尔時毗羅摩菩薩即以右手執持澡灌以大

慈悲熏修其心憐愍一切諸衆生故涕泣流

淚而作是念我今所施不爲梵王摩醯首羅

釋提桓因假使更有勝是三者亦不希求唯

求佛道欲利衆生斷諸煩惱我今當捨己身

妻子奴婢僕使珍寶舍宅唯求解脫不求生

死我今所施柔軟女人願諸衆生於未來世

悉得斷除所有貪欲今我所施五種牛味願

諸衆生於未來世常能惠施他人法味今我所施如是數具願諸衆生於未來世悉得如來金剛坐處我今所施種種珍寶願諸衆生於未來世悉得如來七菩提寶作是語已從上座所循行澡水而水不下猶如慳人不肯布施尔時菩薩即作是念今此澡水何緣不下復作是念將非我願未來之世不得成耶誰之遮制令水不下將非此中無有大德其餘不應受我供耶或我所施不周普耶或是我僕使不歡喜耶將非此中有殺生耶我今定知不因衆生我今所施亦是時施亦不觀采是受非受而此灌水何緣不下尔時菩薩

見婆羅門爲此諸女生貪嫉心而起瞋恨各
各說言彼女端正我應取之汝不應取彼牛
肥壯我應取之汝不應取金銀槃粟乃至珍
寶亦復如是尔時菩薩見諸婆羅門貪心諍
物互相瞋恚即作是言是諸受者貪欲瞋恚
愚癡亂心不能堪受如是供養如車軸折輻
輞破壞不任運載我亦如是種子良善而田
薄惡以此受者心不善故令是澡水不肯流
下我今雖作如是布施亦無有人教我令發
阿耨多羅三藐三菩提心而我自爲一切衆
生故發是心今當自試若我審能愍衆生者
灌水當下即以左手執灌寫之水即流下菩

薩右手諸婆羅門見是事已各生慚愧離所
施物修行梵行諸婆羅門尋共稽首求請菩
薩以爲和尚菩薩憐愍即便受之教令修學
四無量心以是因緣命終即得生梵天上令
無量衆生發阿耨多羅三藐三菩提心菩薩
摩訶薩行檀波羅蜜時不見此是福田此非
福田亦不分別多親少疑是故菩薩若布施
時或多或少或好或惡應以一心清淨奉上
莫於受者生下劣心

菩薩本緣經一切施品第二

一切諸菩薩

爲利衆生故

捨棄己身命

猶如草糞穢

如我曾聞過去有王名一切施是王初生即
向父母說如是言我於一切無量衆生尚能
棄捨所重身命況復其餘外物珍寶是故父
母敬而重之爲立名字字一切施從其初生
身與行施漸漸增長譬如初月至十五日其
後不久父王崩背即承洪業霸治國土如法
化民不枉万姓擁護自身不豫他事終不侵
陵他餘隣國隣國若故來討罰希能擒獲救
攝貧民給施以財恭敬沙門婆羅門等常以
淨手施衆生食口常宣唱與是人衣與是人
食及與財寶愛護是人瞻視是人介時菩薩
常行如是善布施時隣國人民聞王功德悉

來歸化其土充滿間無空處猶如山頂暴漲
之水流注溝坑谿澗深處亦如半月海水潮
出其國外來歸化之民充滿側塞亦復如是
其餘隣國漸失人民各生瞋恨即共集議當
共往討作是議已尋嚴四兵來向其國介時
邊方守御之人遠來白王隣國怨賊今已相
逼猶如暴風黑雲惡雨王即告言卿等不應
惱亂我心即說偈言

隣國所以來討我國正為人民庫藏金寶
使哉甚善當相施與我當捨之出家學道
多有國王為五欲故侵奪人民貯聚無厭
當知是王命歿之後即墮地獄畜生餓鬼

是故我今不能爲身侵害衆生奪他財物以
自免者尔時大臣及諸人民各作是言唯願
大王莫便捨去臣等自能當御此敵王且觀
之臣等今日當以五兵戟牟劍稍奮擊此賊
足如暴風吹破雨雲王即荅言咄哉卿等吾
已久知卿等於吾生大愛護尊重恭敬亦知
卿等勇健難勝雄猛武略策謀第一但彼敵
王今作此舉都不爲卿正爲吾耳假使彼來
不損卿等何得乃生如是惡心吾久知此五
盛陰身爲衆箭的卿不知耶吾久爲卿說諸
菩薩應於衆生生一子想汝今不應於他衆
生生瞋害心畢定當知墮于地獄是故應當

一心修善當說是時賊已來至高聲大叫王
聞聲已即問羣臣此是何聲諸群臣寮谷懷
悲感舉聲哀號咸作是言惡賊無辜多害人
民譬如惡雹傷害五穀亦如猛火焚燒乾草又
如暴風吹拔大樹又如師子殺害諸禽獸怨
賊殺害亦復如是此時諸臣不受王教即各
散出莊嚴四兵便逆共戰軍無主將尋即退
散兵衆喪命不可稱計時王登樓說如是言
因惡欲故令人行惡如是諸欲猶如死屍行
廁糞穢如何爲此而行惡耶愚人貪國興諍
競心猶如衆鳥競爭段肉是諸衆生常有怨
憎謂老病死云何不自觀察是怨反更於他

而生諍競一切施王思是義時敵國怨王即
入宮中王於尔時便從水竇逃入深山至稠
林中得免怨賊其地清淨林木種種華果無
量不可稱計水清柔軟八味具足衆鳥鳥鴈
禽獸難計王見是已心生歡喜復作是言吾
今真實得離家過患無量衆生常爲老病死
怖逼惱今得此處清淨安樂快不可言此林
乃是修悲菩薩之所住處亦是破壞四魔之
人堅固牢城我今已得清潔洗浴離衆加故
我今與此衆鹿爲伴身心安隱極受上樂尔
時怨王得其國已即便唱令求覓本王若有
能得一切施王若殺若縛將來至此吾當重

賞隨其所須一切給與以其先時常自稱讚能行正法些毀吾等暴虐行惡是故吾今欲得見之示其修善所得果報今時他方有一婆羅門貧窮憔悴唯仰乞活遭遇官事無所恃賴聞王名字好行惠施即從其國來欲造詣乞求所須既於中路飢渴疲乏止息林中即便讚言是處寂靜聖人住處亦是神仙離欲之人求解脫者斷絕飲食不畜奴婢不乘車馬少欲知足食噉稗子諸根藥草大悲心者之所住處亦是一切飛鳥走獸無怖畏處自在天王為令衆生見家過患故化是處今時一切施王聞是語已心生歡喜便往見之

共相問訊便命令坐時婆羅門即便前坐坐
已一切施王便以所有衆味甘果而奉上之
既飽滿已王即問言大婆羅門是處可畏無
有人民是中唯是閑靜修道之人獨住之處
仁何緣來婆羅門言汝不應問我是事汝是
福德清淨之人遠離家居牢獄繫縛何緣問
我如是之事汝不一聞濁惡之聲若他犯我
我則犯他若他奪我我則奪他喪失財賄親
族彫零以在家故受如是事大德汝今已斷
一切繫縛安住山林如大龍象自在無礙一
切施菩薩即作是言汝今發言清淨柔軟何
故不共於此住止婆羅門言若欲聞者我當

爲汝具陳說之我本生處去此懸遠薄祐所
致遇王暴虐猶如師子在鹿群中終無一念
慈善之心我王暴虐亦復如是於諸人民無
有慈愍有罪無罪唯貨是從我從生來小心
畏慎曾無毫釐犯王憲制橫收我家繫之囚
圈從我責索金錢五十若能辦者我當赦汝
居家罪戾若不肯輸吾終不捨要當繫縛幽
執鞭撻剋日下期當輸金錢家窮貧苦無由
能辦曾聞此國一切施王好行惠施攝護貧
人所行惠施無有斷絕如春夏樹華果相續
亦如曠野清泠之水渴人過遇自恣飲之猶
如大會無人遮止我今略說假使有人人有

千頭頭有千口口有千舌舌解千義欲歎是王
所有功德不能得盡彼王成就如是名德我
今居家遇王暴虐橫羅罪戾更無恃賴故欲
造詣陳乞所須然我心中常作此念我今何
時當到其所隨意乞求若彼大王必見憐愍
能給少多我家可得全其生命若不得者我

舊

法苑珠林卷一

十

十

亦不久當復殞歿亦時菩薩聞是事已心悶
躡地猶如惡風崩倒大樹時婆羅門即以冷
水灑其王身還得蘇息時婆羅門復問大仙
汝聞我家受是苦惱心迷悶耶是中清淨汝
所愛樂能生悲心我今遇之尚無愁苦汝今
何緣生是苦惱王即荅言汝本發意欲造彼

王是汝薄相正值不在汝今若往必不得見
故令我愁尔時婆羅門言爲何處去施王荅言
有敵國王來奪其國位今者逃命在空山林
唯與禽獸而爲等侶時婆羅門聞是語已尋
復悶絕一切施王復以冷水灑之令悟即慰
喻言汝今可坐且莫愁苦婆羅門言我於今
日命必不全所以者何本所願求今悉滅壞
我何能起定當捨命一切施王尔時即起慈
悲之心作如是念可憙道士所願不果譬如
餓鬼遠望清水到已不獲心悶躄地是婆羅
門亦復如是復更喚言咄婆羅門汝可起坐
汝可起坐一切施王即我身是汝本欲見今

得遇之何故愁苦婆羅門問王今善言慰喻
於我有錢財耶王即荅言我無錢財但有方
便可能令汝大得珍寶婆羅門言云何方便
王復荅言我先聞彼怨家之王居我國已於
大衆中唱如是言若有能得一切施王若斷
其命檢繫將來吾當重賞隨意所須我從昔
來未曾教人行於惡法是故不令汝斬我頭
但以繩縛送詣彼王所以者何除身之外更
無錢財然我此身今得自在幸可易財以相
救濟善哉善哉婆羅門吾今得利以不堅身
易得堅身道士且觀設使我身在此命終屍
棄曠野草木無異雖有禽獸而來食噉爲何

所利今以如此灰土之身貿易乃得真金寶
物我復何情而當惜之時婆羅門聞是語已
悲涕而言何有此理所以者何汝今乃是無
上調御衆生父母善為愛護大歸依處能滅
一切無量衆生所有怖畏所作廣大不望相
報於諸衆生常生憐愍能於閻世作大錠療
我當云何破滅正法繫縛汝身送怨王耶假
使將王至彼怨所獲得金寶我復何心舒手
受之假使受者手當落地譬如男子為長養
身噉父母肉是人雖得存濟生命與死何異
我亦如是設縛王身將送彼怨雖多得財以
贖家居我所不貴時王荅言如此之言復何

足計汝若於我必生憐愍我自束縛隨汝後
行詣彼怨家汝無罪咎我得福婆羅門言
敬如王命當隨意作說是語已王即自縛共
婆羅門相隨至城其王舊臣及諸人民當見
王時悉生驚恠咄婆羅門汝是羅刹非婆羅
門汝是羅刹非婆羅門汝本實是暴惡鬼神
姦偽詐現婆羅門像無有悲心真是死魔常
求殺人汝今令此王身滅沒猶如月蝕七日
並照大海乾竭無上法燈今日盡滅旃陀羅
種汝今云何手不落地汝身何故不陷入地
如師子王已死之後誰不能害是一切施王
久已遠離國城妻子倉庫珍寶一切諍競退

入深山修寂滅行於汝何怨而將來此舉城
人民同聲願言諸大仙聖護世四王願加威
神擁護是王令全生命時婆羅門聞是語已
心生怖畏將一切施疾至王所作如是言大
王當知我今已得一切施王怨王見已心即
生念是王年壯身體姝好容貌端正其力難
制是婆羅門年在衰弊形容枯悴顏貌醜惡
其力無幾云何能得是王將來竊復生念將
非梵王自在一大王那羅延天釋提桓因四天
王耶怨王即問誰為汝縛婆羅門言我自縛
之怨王咄言法心去癡人復更問言汝將非以
呪術之力而繫縛耶汝身羸劣彼身端嚴猶

如帝釋云何能繫縛假使有人自言能吹須
彌山王令如碎末是可信不尔時怨王即告
大臣汝等當知今此難事為是夢中是幻化
耶將非我心悶絕失志錯謬見于是老獼猴
云何能縛帝釋身耶諸臣當知豈可以藕根
中絲懸須彌山耶可以兔身度大海耶可以
蚊虻盡海底耶時婆羅門聞是語已即向怨
王而說偈言
大王今當知 我實不能縛 是王慈悲放
為我而自來 如以網盛風 是事為甚難
正使天帝釋 亦復不能為
尔時怨王即向一切施王說如是言汝以畏

我故入深山谿谷林木空曠之處唯與禽獸
共相娛樂少欲知足飲水食果以草爲藪不
與我諍然我怨心猶未得滅我今自在能相
誅戮以何因緣來至此耶尔時一切施王嬉
怡微笑無有畏懼身心容豫如師子王而作
是言汝不知耶我身即名一切施王我欲成
就本誓願故今來在此有三因緣一者爲婆
羅門而求錢財二者以汝先募若得我身將
來此者當重賞之三者我先誓願當一切施
是故我來欲捨身命汝今當觀若我此身命
終入地爲何所益我本所以逃入山林非以
畏故但爲愛護諸衆生耳汝今自在怨心未

滅我今來比隨意屠割而得除怨心則安隱
是故汝今應早為之即說偈言

於怨生瞋恨 則自焦其心 譬如灰下火

猶能燒万物 因心著瞋恚 命終墮地獄

猶如惡毒箭 中則身命滅 若瞋於怨憎

心不得寂靜 譬如病目者 不能見正色

此身肉血成 骨髓肪膏腦 屎尿洩唾等

薄皮裹其上 是身如行廁 無主無有我

於王有何怨 而常生瞋恚 生老病死賊

常來侵王身 何故於是中 反生親友想

我身四大成 王身亦復然 今若見瞋者

是則為自瞋

是故大王不應生瞋若故瞋者今得自在幸
可隨意早見屠戮先所開幕可賞是人我今
必定捨命不悔以是因緣願諸衆生能一切
施及得捨名尔時怨王聞是語已從御座起
合掌敬禮一切施王作如是言唯願大王還
坐本座汝是法王正化之主我是羅刹暴惡
之人汝是世燈為世父母我是世間弊惡大
賊專行惡法劫奪他財汝是法稱正法明鏡
我非法稱常欺誑他猶如盲人不自見過如
我等輩罪過深重是身久應陷入此地所以
遷延得至今日實賴仁者執持故耳今捨此
地及以己身奉施仁者一切施王即為怨王

廣說法要令其安住於正法中大以財寶與
 婆羅門遣還本土菩薩摩訶薩如是修行檀
 波羅蜜時尚捨如是所重之身況復外物所
 有財寶

菩薩本緣經卷第一

觀

枯涸水竭也 逼此力及 忖七本及思也 抗禦上口及

稚利及直 頑器下音愚也 慕繼上子管及集也 嗜音視也

怨讎二字音 草芥下音 芥肺病上及方 親昌近

斛下胡 茵蓐二字音 稠林上直流及 摩盃

下呼及 肥壯上非及 輻輳二字音 暴溺下知向

滿流汪荒下及 谿字上 戟牟上居及 稍捨音 漏悲

感

及下憂也歷

哀號

無辜

孤下音

廁

鳧鴈

音上

扶水

暴虐

及下魚約

稗子

似禾之草

訛評

音二同信

也問

財賄

每及呼

毫釐

正作釐

憲制

上許建

圖

固

二字音令

罪戾

及下音

鞭撻

及下他達

清冷

靈蹕

地

及上毗

庾

及下力

燭

及外

陷

去聲

殊好

及上尺

咄言

及上音

非

錯謬

及下苗

藕

及上音

奎

及上音

樂

及上音

也

誅戮

及下音

恬怡

及上許

及下音

肪膏

及上音

脂

也

洩墜

及上音

與

及下音

